

## Yeshua, Esun Ungi di Israel i Juda; Su Fieldat!!!

**Felipe** a haña Natanael i a bis'é: "Nos a haña **Esun di Kende Moisés** a skirbi den e **Lei** i **di Kende e Profetanan** tambe a skirbi **Yeshua di Nazarèt**, yu di Jose." (**Juan 1:45**).

**Yeshua: e Lei, e Enseñansa di Dios Tata!!!.**

"Awor lo sosodé ku si **abo Obedesé** ku tur **Diligensia SEÑOR bo Dios**, i **pèrkurá di Kumpli** ku tur **Su Mandamentunan** ku mi ta **Ordenábo awe**, **SEÑOR bo Dios lo Halsabo** riba tur e **Nashonnan di mundu**. I tur e **Bendishonnan** aki lo bin riba abo i lo **Alkansábo**, si **abo Obedesé SEÑOR bo Dios**. (**Deuteronomio 28:1-2**).

"Ma lo sosodé ku si **abo no Obedesé SEÑOR bo Dios** pa **pèrkurá di Kumpli** ku tur **Su Mandamentunan** i **Su Statutonnan** ku mi ta **Ordenábo awe**, e ora ei tur e **maldishonnan** aki lo bin riba abo i **Alkansábo**. (**Deuteronomio 28:15**).

Tur **Skritura** ta inspirá pa **Dios** i ta útil pa **Siñansa**, pa **Reprendementu di pika**, pa **Korekshon** for di **eror**, pa **Restourashon di Obediensia**, pa **Eduká** den **Hustisia**, pa **Siña Biba di akuerdo ku Dios Su Boluntad**, pa e hende di **Dios** por ta **Perfekto**, **Ekipá** pa tur **Bon Obra**. (**2 Timoteo 3:16-17**).

**Yeshua; ta Dios Tata Su Fieldat!!!.**

Awor aki den **2020**, **Yeshua** ta **mustra** i **dirigí abo na Dios Su Fieldat**. Si tur **Skritura** ta útil pa **Siñansa**, pa **Restourashon di Obediensia** i pa **Siña abo Biba di akuerdo ku Dios Su Boluntad**, esaki ta **nifiká** ku tur e **Bendishonnan** (**Deuteronomio 28:1-14**) i tur e **maldishonnan** (**Deuteronomio 28:15-68**) ta pa **mustra** i **dirigí abo na Dios Su Fieldat**.

**Dios Su Fieldat** ta bisa: "No tene **miedu!** Para **Firme** i **Mira** e **Salbashon di SEÑOR** ku **Dios Tata lo Prepará** pa abo awe. **SEÑOR lo Bringa** pa abo i abo lo keda ketu." (**Éksodo 14:13-14**). No tene **miedu** di **desaster inesperá**, ni di atake di **malbadonan** ora ku esaki bin; pasobra **SEÑOR lo ta bo Konfiansa**, i lo warda bo pia di **wòrdu kohí** den **trampa**. (**Proverbionan 3:25-26**).

Den **Dios Su Fieldat El** a manda **Su Yu Yeshua**, ku a duna abo **Un úniko Mandamentu Nobo** ku ta bisa; **Stima Otro**. (**Juan 13:34**). Ora abo **Kumpli** ku e **úniko Mandamentu** aki di **Yeshua Mesias**, abo ta **Kumpli** ku tur **Dios Tata Su Mandamentunan**; dor di **keda** den **Yeshua Su Amor**. (**Juan 15:9-10**).

**Dios Tata Su Fieldat** ta **nifiká** ku abo no mester tene **miedu** di tur e **maldishonnan** di den **Deuteronomio 28:15-68**, pasobra **Amor no konosé miedo**; ma **Amor Perfekto** ta kore ku **miedu**, pasobra **miedu** tin di **hasi** ku **kastigu**, i esun ku tin **miedu** no a **wòrdu hasí Perfekto** den **Amor**. (**1 Juan 4:18**). Abo ta **wòrdu hasí Perfekto** den **Amor** dor di **Kumpli** ku e **úniko Mandamentu Nobo** di **Yeshua Mesias**.

25 òktober 2020

Sea Bendishoná ku e **Amor** di **Dios Tata; Yeshua Mesias**  
Un Fiel Sirbidó di Dios,  
Remsly L Riley.